

越城縣廣勝寺



大宋新譯三藏聖教序

廣天從願頌 扶

太宗神功聖德文武皇帝製

大矣哉我佛之教也化導羣迷闡揚宗性廣博宏辯其彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之祕言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀日歲月煙蘿起香界之自遠巍巍罕測杳難名所以道資十聖德被三賢至道起於乾元衆妙生乎太易摠繁形類竅鑿昏明絕彼是非開茲蒙昧有西域法師天息災等常持四忍早悟三乘翻貝葉之真詮續人天之聖教芳猷重

原

第二張

刊

啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌亮妙法淨界騰音利益有情俱登覺岸無成卽礙救諸疲羸冥昧慈悲浩汗物表柔伏貪佞啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微閑豈堪序文以示來者如縻螢燭火不足比之於皎日將微蠹量海未能窮盡於深淵者哉

御製新繼聖教序

高明肇分三辰方乃序其次厚載初定萬彙於以發乎端清濁之體既彰善惡之源是顯然後以文物立其教

以正典化其俗利益之功同歸於理  
於是乎像法來於西國真諦流於中  
夏洞貫千古真實之理無以窮囊括  
九圍玄妙之門莫能究言乎妄想則  
五蘊皆空現乃真容則一毫圓滿廣  
大之教豈能紀述者哉伏觀  
太宗神功聖德文武皇帝法性周圓  
仁慈普布化靈豹則萬邦輻湊躋烝  
民於仁壽之鄉崇教法則四海雲從  
惠蒼生於富庶之域見尊經之浩汗  
設方便以救沉淪知法界之恢宏行  
精進而攝懈怠乃擇其邃宇校彼真  
文命天竺之高僧譯貝多之佛語象  
管翻成於金字珠編復置於琅函龍  
宮之聖藻惟新驚嶺之苾芻仰歎由  
是三乘共貫四諦同圓盡苦空真正  
之言顯秘密精研之義讚相相乎實  
相論空空乎盡空華嚴之理合軌轍  
金像之教同規矩朕續嗣  
丕構恭臨寶圖常翼翼而撫地民每  
兢兢而守  
先訓以至釋典尤未精詳諒其幽深  
曷能探測有譯經西域僧法賢奉章

懇切致意專勤以  
先皇帝大闡真風高傳佛旨興前王  
之墜典振覺路之頹綱欲旌  
天造之功庸用廣  
聖文之述作請予製序繼聖教焉自  
聖考上僊追號罔息政事之外何暇  
經心今已禪除思臻微奧雖幼承慈  
誨奈夙乏通才焉窮乎法海之津涯  
莫造乎空門之闡域略敷大意以徇  
輿情蹄涔不足擬浴日之波尺筵豈  
能量昊天之恩聊述短序以紀聖功  
者焉

廣大發願頌

龍樹菩薩造

聖譯經藏卷之三 龍樹菩薩造 龍樹菩薩造 龍樹菩薩造

所有一切衆生類 過未現在世無盡  
而諸佛刹廣無邊 彼無邊刹塵充滿  
又一一塵為一刹 廣大佛刹如塵等  
一一刹中正覺尊 如塵無量我普禮  
彼塵倍聚諸佛刹 刹中佛佛我稱讚  
我常供養以一心 經如塵數廣大劫  
頂禮諸佛及法衆 我於三寶常歸命  
我悉持以諸妙華 及衆寶聚常普施

若我已起一切罪 我今普盡而懺悔  
若我未生一切罪 我一切時常遠離  
所有一切勝福事 我於一切常隨喜  
此福迴向於有情 及佛無上菩提果  
如佛正法中所說 願力堅固復真實  
我常供養諸世尊 願我最後得成佛  
願我生生具深智 常如妙吉祥菩薩  
悲心息苦救世間 願如觀自在菩薩  
賢善愛眼視衆生 願與普賢尊無異  
慈意善觀諸情品 願我常如慈氏尊  
布施願如虛空庫 持戒願如神通慧  
忍辱精進二度門 願我悉如常精進  
定力能攝諸散亂 願我得如金剛手  
善說十地諸法門 說智願如金剛藏  
於佛世尊善請問 願我得如除蓋鄢  
深心智慧具堅固 願我常如堅固慧  
神通無礙善方便 願我得如無垢稱  
善護衆生諸善根 勤勇願如常勇猛  
善說波羅蜜等法 願我得如無盡意  
具足無量妙音聲 願與妙音尊無異  
近善知識心無懈 願我生生如善財  
虛空無喻法能宣 願我得如虛空藏  
地能長養諸世間 普利願如地藏尊

廣大發願頌 第六卷

卷字號

息除貧苦利衆生 願與寶藏神無異  
語出無盡妙法寶 願我得如曇無竭  
智慧堅利復常勤 願與常啼尊無異  
此等最上諸佛子 最勝功德聚無邊  
名稱廣大復無盡 願我名稱亦如是  
我此讚佛功德聚 最上勝善極廣大  
普願世間諸有情 住彼最勝功德聚

廣大發願頌

譯 經 孔 目 官 目 藤 慶

講金剛經百法因明論賜紫沙門目 古爾 證義

講因明唯識論崇教大師賜紫沙門目 志松 證義

講法華經百法論法慧大師賜紫沙門目 聖雲 證義

講法華上生經百法論法智大師賜紫沙門目 壽 證義

講法華上生經百法因明論普智大師賜紫沙門目 普 證義

講法華經南山律三慧大師賜紫沙門目 澤 證義

講法華經圓照大師賜紫沙門目 道一 證義

講圓覺經起信論聖壽言大師賜紫沙門目 晝 證義

講金剛經因明百法論明雅大師賜紫沙門目 登 證義

梵學慧悟大師賜紫沙門目 文一 證義

梵學項法大師賜紫沙門目 琛 證義

扶字號

梵學傳大教通梵大師賜紫沙門目 清 證義

古柯佛經卷第... 證義

譯 經 光 梵 大 師 賜 紫 沙 門 目 尊 奉 證 義

譯 經 西 天 傳 梵 大 師 賜 紫 沙 門 目 尊 奉 證 義

... 證義

... 證義

... 證義

廣大發願頌

校勘記

- 一 底本，金藏廣勝寺本。
  - 一 八九二頁中一行至次頁中一二行
  - 一 兩篇聖教序文，續、南、經、清無。
  - 一 八九三頁中一五行譯者，經、清
- 作「宋西天三藏朝奉大夫試光祿卿傳法大師施護等奉詔譯」。